



AYUNTAMIENTO DE LA VILLA DE ERMUA
ERMUA HIRIKO UDALA

Declaración Institucional

Erakunde Adierazpena

717/2018

ORG12I06Q

Código de validación/*Balidazio kodea*
582S114B0D2G086Q176T



BERDINTASUNEN UDAL KONTSEILUAREN PROPOSAMENEZ

ERAKUNDE ADIERAZPENA MARTXOAREN 8A EMAKUMEEN NAZIOARTEKO EGUNA DELA-ETA

Martxoaren 8 honetan emakumeak grebara

Emakumeek mundua mugitzen dute, baina hala ere, mundu-mailan, jarlekuen %23a besterik ez dute betetzen emakumeek. Lana daukatenei gizonei baino gutxiago ordaintzen zaie eta lanean duten segurtasun gabezia handiagoa da. Horrez gain erabakiak hartzen diren erantzukizuneko lanpostuetan eta zientzia eta teknologia bezalako alorretan ez daukate ordezkaritza nahikoa, nahiz eta unibertsitatean hobeak diren. Emakumeak zerbitzuen arloan kokatzen dira gehien bat, eta okupazio eta sektorekako bereizketa hori generoan oinarritutako egitura-oztopoen eta diskriminazioaren ondorioetako bat da, pobrezia, lan-orduen malgutasun falta, adin guztietako mendeko pertsonentzat zaintza zerbitzu eskuragarri eta kalitatezkoek izateko aukera mugatua edo aukerarik eza, amatasun- eta aitatasun-lizentzia gaitan diren gabezia politiko eta gizarte-jarrerak bezala, besteak beste. Emakumeak munduko 500 enpresarik garrantzitsuenen %4aren buru baino ez dira. Mundu-mailan emakumeek, balio bereko lanagatik, 77 zentimo besterik ez dute irabazten gizonek irabazten duten dolar bakoitzeko. Emakumeek, gainera, askoz aukera gutxiago dute pentsioa kobratzeko, nahiz eta gizonek baino 2,5 aldiz gehiago gutxienez egiten dituzten etxeko lanak eta inolako ordainik gabekoak. Munduko emakumeen %28ak baino ez dauka egiaz amatasun lizentzia-motaren bat ordainduta. Talderik ahulenetako bat langile migratzaileena da, horietako gehienak emakumeak izanik, eta horien erdiak baino gehiagok ez dauka lanaldi mugaturik. Indarkeria matxistari dagokionean Europako emakumeen %55ak sexu-erasoak jasan ditu noizbait 15 urte bete zituztenetik; horietatik %23ak lanean. Espainiar Estatuan 2017ko otsaila izan da feminizidioagatik hildako gehien izan dituen azken hamar urteotan, 15 emakume baino gehiago hil baitituzte.

Adibide-zerrenda amaigabea da.

Errealitate horri aurre egiteko antolatuta, hainbat denbora daramate emakumeek gizaldietako diskriminazio horri amaiera eman dakiola eskatzen, beraiei batez ere,

baina bai eta gizarte osoari ere dagokion arazo bat delako. Guztiz zaila da justizia- eta demokrazia-irudia mantentzea ia munduko biztanleen erdia, emakumeak, indarkeria matxisten ondorioak eta “patriarkatuaren osasun oneko semeen” gehiegikeriak pairatzen ari direnean”.

Martxoaren 8 bakoitzean emakumeek errealitatea aldatzeko beraien borroka aldarrikatzen dute, urteko egun bakoitzean borrokatzen dute emakumeek hori lortzeko eta arrazoi asko daude oraindik ere borrokan jarraitzeko. Horregatik 2017ko martxoan milaka emakumek nazioarteko lanuzte batean parte hartu zuten mundu osoan *“ezin delako gizateriaren erdia diskriminatuta egotea eta ezer ez gertatzea”*.

Martxoaren 8 honetan gauza asko dago ospatzeko: borroka feministak eta emakumeenak lortutako hainbeste garaipen, mundu hau guztiok bizitzeko leku hobea bilakatuz. Baina are gehiago oraindik aldarrikatzeko: Munduko Ekonomi Foroaren datuen arabera egungo martxan 169 urte behar ditugu ekonomi berdintasuna lortzeko.

Erakunde eta udal gobernuak bereziki, hiritarrengandik hurbilen daudenak direlako, sentiberak izan behar dute egoera larri honekiko eta berori baztertzeko aktiboki lagundu, gizarte eragileekin, mugimendu feministarekin eta emakumeekin koordinatuta elkarlanean arituz.

Berdintasunaren alde, indarkeria matxisten kontra, zaintza-lanak egin beharraren kontra, hezkuntz eskubidearen alde, eskubide eta bizitzak errespetatuko dituzten kontsumo-eredu berrien alde, soldata-etenaren kontra, diskriminazioa geldiarazteko... munduko emakume antolakundeek Emakumeen Nazioarteko Greba egitera deitzen dute aurten ere. Martxoaren 8an izango da mundu-mailako jarraipen-ekimen legez planteatua, helburua patriarkatua eta bere indarkeriak agerian uztea eta emakumeen eginkizunak gizarte-antolaketaren lau zutabe nagusitan zalantzan jartzea izanik: lan-mailan, ikasle-eremuan, kontsumoan eta zaintza- eta ugalketa-lanetan.

Egoera horren **JAKITUN** izanik **Ermuko Udala Berdintasuneko Udal Kontseiluaren** ekimenarekin bat dator eta, nazioarteko ekintza-proposamenaren ildotik, harekin bat egiten du, ondoko **konpromisoak hartuz**:



AYUNTAMIENTO DE LA VILLA DE ERMUA
ERMUA HIRIKO UDALA

Declaración Institucional

Erakunde Adierazpena

717/2018

ORG12I06Q

Código de validación/*Balidazio kodea*

582S114B0D2G086Q176T



1. Berdintasun udal egiturak, hala nola Emakumeen Topalekua, Jabekuntza Eskola, Berdintasuneko Kontseilua sendotzen eta ziurtatzen jarraitzeko konpromisoa, udalerriko bizitza-eremu guztietan emakume eta gizonen berdintasunaren aldeko udal politikentzako baliabide izaten jarrai daitezen.
2. Udalerriko emakumeen jabekuntza eta parte-hartze soziopolitiko bultzatzen lagunduko duten ekintza zehatzak inplementatzeko konpromisoa.
3. Berdintasun Kontseiluaren bitartez herriko mugimendu feminista eta emakumeenekin koordinazioa eta lankidetzak sendotzeko konpromisoa.
4. Genero-desberdintasunak, eta batez ere enplegua eta zaintza-lanaren banaketa ezberdina, salatzeko konpromisoa eta berdintasuneko udalerri baterantz abiatzeko.
5. Emakumei eta Ermuko herritar guztiei, talde edo alderdi politiko ezberdinekiko lotura alde batera utzita, salaketa horrekin bat egitera deitzeko konpromisoa, eta Martxoaren 8a Emakumeen Nazioarteko Egunerako antolatuta dauden bi ekintzetan parte hartzera animatzeko: bata, greba feministarekin bat egiteko, hamabost minutuko geldialdi sinbolikoa eguerdiko 12:00etan Martxoaren 8a plazaren sarreran, eta bigarrena, hogeita hamar minutuko hiritar-kontzentrazio bat generoagatiko diskriminazioaren kontra 19:00etatik aurrera Orbe Kardinala plazan.